

四庫全書

史部



# 欽定四庫全書

史部

萬壽盛典初集卷

七十七至  
八十

詳校官宗人府府丞<sub>臣</sub>寶光鼎

編修<sub>臣</sub>程嘉謨覆勘

總校官知縣<sub>臣</sub>楊懋珩

校對官學正<sub>臣</sub>李巖

謄錄監生<sub>臣</sub>于時和



欽定四庫全書

萬壽盛典初集卷七十七

歌頌十七

詞臣九

萬壽詩 五言律十首

翰林院修

撰臣王雲錦

聖德高千古

龍飛六十春金甌凝瑞歷翠莢麗昌辰夏服車書會周

官玉帛陳嵩呼同擊壤歌祝上



楓宸其一

聖治高千古精勤邁百王明禋嚴薦璧舞彩慶垂裳

雲牖書無逸

松軒敞未央

萬幾方在御地久共天長其二

聖學高千古微言遜志求心源溯周孔道法契圖疇講

藝

筵頻啟崇儒



典特修健行恒不息金鏡握千秋

其三

聖藻高千古光華復旦賡龍蛇蟠體勢金石發鏘鳴討  
論蟲魚秘編摩歲月并萬年垂述作雲漢仰文

明 其四

聖武高千古從容靖八埏潢池消反側瀚海息烽烟手  
自除三孽兵皆出萬全雕題重譯者享贄戴

堯天 其五

聖澤高千古春臺溢頌聲蠲租環赤縣解網祝蒼生政



簡刑胥措民安吏不驚萬方登壽域長此樂昇

平 其六

聖績高千古黃淮息激湍

神功親指授上策定隨刊澤國蛟龍偃桑田士女歡浮

河五老出億世紀安瀾 其七

聖鑒高千古虞廷達四聰懲奸去貪墨表善勵清忠日

月無遺照

絲綸沛至公臣民齊額手景福頌昭融 其八



聖化高千古英賢盡網羅拔茅占泰運翹羽集卷阿挾

策爭揮翰掄才及荷戈作人真

壽考十載一加科其九

聖壽高千古無疆景運新鶯花三月麗雲日萬年春

電繞初周甲

星輝正鄉晨小臣同率舞天保願常陳其十







萬壽頌

十首  
有序

翰林院修撰臣王世琛

臣聞惟聖法天斯健行而不息惟天佑聖必悠久而無疆若日月之升恒常垂碧落似川嶽之流峙永奠黃圖良由一德之感孚用是三靈之協應民胞物與惟至人之無私萬載千秋知仁者之必壽既稽古而云然乃徵今而益信欽惟我



皇上聖神天縱睿知性成備九德以當陽五辰效順握  
六符而御極八表同歸視民如傷蒼黎時厘其  
寤寐惟日不足宵旰弗徹其焦勞上清下寧乾  
坤於焉交泰化行俗美品物由是咸亨開國家  
磐石之基百千萬世慰寰宇雲日之望五十二  
年洵史冊所罕聞實開闢所未有雖

神功聖德浩蕩難名而測海窺天約畧可舉仰惟

聖學莫罄高深猶惕



皇衷彌勤遜敏闡禹湯文武之道直溯危微探濂洛關  
閩之書盡窮閩奧

宸章璀璨垂典謨而渙堯言

睿藻繽紛超晉唐而追羲畫尼山泗水天文煥闕里之  
碑入室升堂恩波沐孔門之裔加之右文稽古  
開局以編纂養士作人闢門而籲俊千古昭其  
明備六合被其光華此從來未有之文德也若  
夫寧民戡亂去暴除殘或秉鉞而臨戎或推轂



而命將莫不風馳電掣指日獻俘掃窟熏巢刻  
期奏捷八閩六詔息瘴癘而落欖槍雞塞龍沙  
殄蚩尤而殲鑿齒無雷出日之地咸入版圖胷  
穿鼻飲之倫悉承聲教幅員無外陋禹貢之九

州

廟算若神鄙黃石之三畧八埏既靜九服大同跨四海  
以為家奄萬邦而為宅此從來未有之武功也  
至夫已饑已溺憂百姓之未安念茲在茲恐一



物之失所偶逢災侵賑貸頻施卽屬豐穰蠲租  
屢詔憫澤國之昏墊親閱堤防矜耆老之桑榆  
特頒粟帛利多末減類大禹之泣而下車法必  
從寬似成湯之祝而解網上下咸若四靈近在  
郊垌草木向榮百卉咸歸茂對蓋萬物之得養  
由

一念之好生所謂其仁如天也乃若明目達聰洞幽矚  
隱若冰壺之澄澈遇物呈形如金鏡之高懸隨



人鑑影揚清激濁黜陟必當乎公心兼聽竝觀  
毀譽不淆於衆口深悉閭閻疾苦先事綢繆灼  
知稼穡艱難因時補助人之情偽遠近不遺事  
之幾康曲折俱見端拱於

九重之上明察於萬里之遙所謂其智如神也是以二  
儀默佑百神薦庥甘雨和風不愆期而應候嘉  
禾瑞麥每匝地以呈祥九莖連理之珍產於園  
囿羽毛鱗介之瑞貢自梯航兆人躋春臺之上



大地開仁壽之域直且竝三皇而兼五帝豈特  
軼商周而逾漢唐也哉茲以姑洗應律之芳辰  
恭遇

萬壽大慶之聖節宮庭燕喜樂奏鈞天上苑鶯花春來  
蓬島兩行鵷鷺拜手而共祝

堯年萬國共球傾心而爭趨禹甸扶鳩父老歌舞於康  
衢騎竹兒童喧闐於紫陌嵩嶽則遙呼萬歲華  
封則競祝三多僉謂宜民宜人渥澤周於天壤



自爾如山如阜禔福集於

皇躬陳天保而指南山酌春酒而傾北斗真人間之嘉會千載之一時也臣以猥末備數詞林遭遇

聖明幸逢

盛典仰天邊之壽曜祇益歡忻數海上之仙籌徒知抃躍敢抒寸藿之心敬上

萬年之頌其詞曰

天佑下民篤生



聖皇亶聰作后君臨萬方發祥儲祉源遠流長綿延寶  
歷寰宇永康其一

聖敬日躋遜志時敏書倉學海探微晰隱屢絕韋編恒  
多東筍渙為

天章日星彪炳其二

勵精求治憲章文武旰食宵衣不遑寧處憂心  
如堯勞形如禹平地成天兼三邁五其三

亦有小醜梗化陸梁赫斯一怒我武唯揚南清



嶺徼北掃龍荒滌除剪薶恢我版章 其四

既靖氛塵誕敷文德聿尊素王倡明儒術樂育

人材士子訓飭車書一統聲教四訖 其五

知人則哲任官惟賢內而丞輔外而旬宣因才

器使百職罔愆彰善癉惡無黨無偏 其六

視民如傷念茲鄙屋博施濟衆蠲租發粟優養

高年矜恤焚獨

元后父母恩勤鞠育 其七



俯憫澤國淮黃競流室廬疆理載沉載浮特紆

法駕相度綢繆水由地中農服田疇

其八

立國播政維茲刑賞嗟彼冥蠢橫罹法網爰書  
既定

睿懷悽愴宥之曰三恩洽天壤

其九

德侔造化功竝穹蒼嵩嶽獻祝南極耀芒永瞻  
雲日謳歌八荒天長地久

萬壽無疆

其十







萬壽詩 七言律十首

翰林院編修臣叢澍

聖人龍德正當陽景福天申寶歷長四海不波羣奉朔  
萬年有道永垂裳桐花桃萼開瑤圃麗日祥雲繞建章  
率土騰歡誠悃祝綿綿

帝壽協穹蒼

其一

晨開閭闔曙光紅玉珮成行拜舞同韶護聲中  
來祝華金貌篆裏效呼嵩敷天共覩升恒象大



造長資參贊功

乾健自強真不息駐顏何事訪崆峒

其二

寶籙維新電繞樞車書八表會

皇圖

一心獨滿中和量萬象弘敷久大模

北闕恩波蘇地軸南山佳氣應乾符堯樽舜樂天開

日紫極祥烟徹九衢

其三

卿景昭回碧漢邊



九重勤政典謨宣

宸章直啟三陽泰

御翰宏開一畫乾稽古右文研孔思阜財解慍播虞絃

淵深

聖學難窺測海水由來滙百川

其四

萬方輯瑞凜

皇威謀畧先天天不違

親總羽林三出塞遠清瀚海一戎衣貢從鑿齒雕題至



忱為懷仁慕義歸

神武安民非耀武兩階干羽倍光輝

其五

盛世嘉祥洽井閭刑清政簡樂安居

金泥每下蠲租詔

丹鳳遙頒宥過書

天上恩綸洵浩蕩域中歲月盡寬舒太和元氣滋培厚

禹德湯仁較有餘

其六

宸念懷柔感百神禎符大地應



時巡河清海晏平如掌鳳舞麟遊藹似春五老星精歡  
覲

聖九霄日馭總勤民

龍鑣駐處豐年慶天授平成信有真

其七

聖德如天覆育弘巍巍蕩蕩總難名治安已駕羲軒代  
府事彌殷堯舜情

萬壽科開隆選造九垓士奮佐昇平愚民自是無知識

順則年年鑿與耕

其八



小臣廿載侍金門兩世深邀

覆載恩

殿上呼名聯父子

日邊授簡逮荒墳直廬飽飫

天厨味斗室榮霑

御墨痕祝

聖敬隨鴈鷺後倍餘葵藿寸心存

其九

東風調暢吹



丹陛南極光華照赤墀

帝德後天長不老

皇猷匝地本無私  
祗勤阜物誠民計  
那羨冰桃雪藕奇

百祿九如申命遠  
聿開億萬太平基  
其十



--	--	--	--	--	--	--	--



萬壽詩

七言律八首

翰林院編修臣車鼎晉

寶厯綿延

聖壽長扶輿淑氣萃禎祥清寧位定承三正創守身無

御八荒

鳳闕五雲瞻黼宸

龍墀萬國肅冠裳經文緯武彌寰宇珥筆何能罄頌

揚其一



盱食宵衣治獨超法天行健八風調寸陰是惜  
踰神禹分命惟欽邁帝堯氣轉洪鈞春浩蕩化  
成久道歲豐饒瑤編甲子循環數萬紀初周賀

聖朝

其二

宇宙重開運會嘉如川方至日升華層霄爛熳  
卿雲繞率土霑濡湛露奢蠲賦

恩隨三載徧掄才科每十年加菁莪蔚起耕桑靜億萬

昇平詎有涯

其三



天祚休隆薦祐新星輝南極世同春璇圖瑞叶通

丹陛玉燭光調護

紫宸六合精英藏宥密百王禮樂受經綸生民未有於  
斯盛純嘏端應集

一人其四

徽號由來奉

至尊謙懷特渙大哉言欲求實政

皇衷切屢却虛稱



帝語溫有道昌期光海岳無名峻德贊乾坤輿情莫竭  
涓埃報齊效華封祝

九閹其五

五十餘年百度貞光華復旦泰階平功開神禹  
難開地誠服軒轅未服氓父老兒童皆順則山  
川草木盡欣榮歸仁自是懷柔遠

大德同天曰好生

其六

道岸巍巍已誕登固天縱聖又多能



萬幾日暇圖書煥千古心傳歷數膺統接尼山真契合

禮隆徽國特崇升

右文曠典昭垂久斂福惟時協庶徵

其七

彤堦春暖太和天豹尾班中拜舞連花照四時三秀

草香浮九鼎萬年煙賡揚欲勝咸池曲宴樂遙

輕在藻篇史職微臣蒙

澤渥衢歌願矢寸心虔

其八







萬壽詩

七言律四首

翰林院編修臣莊令與

星光啟歷映瑤樞  
莫莢呈祥協寶符  
八表共臻仁壽境  
萬年常鞏海山圖  
無疆泰運歸

皇極不息乾行仰

聖謨花甲循環今  
正始普天此日盡歡呼

其一

卿雲層護日華紅  
元氣網緼總化工  
神禹九河

勤



睿慮庖羲一畫亶

宸聰頻蠲泉布蒼生足盡採珊瑚碧海空竊喜

溫綸天際下九圍無日不春風 其二

福斂箕疇

帝澤深萬方玉帛慶咸臨山川竝效呼嵩祝草木齊傾  
捧日心隨地湧泉皆玉醴自天行雨盡甘霖莫  
言廣運無能贊詩頌絃歌譜

德音 其三



閭闔晴開集鷺羣超

丹陛正春暄上陽景麗舒長日太液波流浩蕩恩香  
篆九重凝瑞霧桃花千樹接仙源小臣喜聽鈞  
韶奏拜舞

堯階獻壽樽其四



萬壽盛典初集卷七十七



欽定四庫全書

萬壽盛典初集卷七十八

歌頌十八  
詞臣十

萬壽詩

七言律四首  
有序

翰林院編修臣文岱

欽惟我

皇上聖神天縱文武夙成德懋業崇河清海晏紹帝王  
而立極邁今古而獨隆欣逢



御歷之五十二年春三月

萬壽六旬池桃甫實海屋初籌天保定於無疆朝賡周  
雅人騰歡而靡罄野徧華封四律恭成

萬年誌頌

繞樞電影月流虹寶歷祥開屬

聖聰濬哲遠昭千古合欽文時仰萬方同星熒南極當  
宸幄鳥下西池集藻宮

至德難名無以祝普天抃舞共呼嵩

其一



神功莫麗慶無疆  
絳闕時懸奎壁光  
嶺外旌旗馴韎韐  
殿中禮樂重縑緇  
榮生苑樹春光繞  
瑞啟瑤臺  
壽域長山海梯航  
稱盛事微臣何以  
效賡颺其

二

鹿鳴歌罷聚羣僊  
鷺序班隨進錦箋  
竊擬升恒如日月  
還期崇盛比山川  
鈞天自協簫韶奏  
宵雅惟陳保定篇  
甲子初周春正永  
祥光歲歲繞微躔  
其三



帝星常映壽星明  
卷舞衢歌頌太平  
五福箕疇綿

睿算三多華祝紀  
長庚堯天浩蕩歡  
無極舜瑟薰和俗  
已更自是

萬年膺寶錄

宸居高處即蓬瀛  
其四



萬壽詩

七言律三首

翰林院編修臣索泰

軒臺春色浩無邊一道

恩波泝八埏虎拜

彤墀時震嶽

龍飛上甲始周天金桃瑞結三千實

寶厯祥開億萬年咸慶昌期多樂事麟遊鳳舞

聖人前其一



東鰈西鯢協氣通雲蒸霞起競呼嵩

九重天近恩三接

萬歲聲長日再中紫氣騰輝高北斗青雲占律應東風  
海隅已自登仁壽胞與猶然切

聖衷其二

聲名洋溢徧遐方壽域弘開

帝道昌八表太平原有象兩儀悠久本無疆

湛恩世戴堯天大化宇人遊舜日長願繼衢歌隨率舞



彤庭一進

萬年觴其三







萬壽詩

五言截句十二首

翰林院編修臣朱啟昆

瑞日行黃道祥雲捧

紫微千周花甲始南極永呈輝

其一

四海同華祝心心獻

壽觴衢遊千載接歲德叶昭陽

其二

誕彌前佛日二十肇

禎期



壽比恒沙數年年溢水湑

其三

瑞柜盈芳甸靈泉湧玉池天心垂景貺竝侑

萬年卮

其四

御氣雲棚敞含風日榜高萬方齊獻

壽瑞露浥金桃

其五

文昌依壽宿甲乙啟祥科

萬壽千千度菁莪育幾多

其六

崇文搜秘簡



聞道續瑶牋萬玉山為檢長河帶作編

其七

精一傳心妙

文明撫運全統承堯舜後

壽邁吳軒前

其八

好生天覆育含氣浹深仁

上壽疇環衍千春與萬春

其九

虞苗今革面沐浴

大清春蠻曲諧銅鼓聲聲祝



聖人 其十

歲蠲逾萬萬秉穗積山邱願以倉箱實添

皇海屋籌 其十一

乾苞開一畫妙道契

宸衷

聖算天長久生生不息同 其十二



萬壽詩

五言律十首

翰林院編修臣涂天相

旭日遲

丹陛和風拂

紫宸雲開三月曉運啟

萬年春推歷天臨午陳詩命自申歡聲中外集獻祝效

封人其一

稽古探金匱談經



御講筵詩書歸手定洙泗接心傳建極

皇猷茂崇儒

聖教宣健行方未已

帝德峻於天

其二

玉硯揮

宸翰珠躔煥彩虹文章三代上

綸綍六經中握算璣衡正和聲氣化通多能原首出未

許百王同

其三



郊廟隆親祀祈年瑞雪霏精誠通

帝座仁孝慰

慈闈黼黻昭

皇極河山載

德輝百神咸受職

巡幸護鸞旂其四

捷伐

皇威震親征



聖武昭六師平絕域九譯款王朝德耀金戈偃時清玉

燭調久安勤保泰大事重蒐苗

其五

命官文石陞

睿照自天臨詢事勤

宏訓旌賢下

德音水平神禹績刑措帝堯心永固

皇王緒謀猷越古今

其六

環海蠲邦賦



深仁洽漏泉金雞

頒赦令銅雀報豐年

景運貞元會

鴻功三五全  
撫謙却

尊號宵旰尚乾乾

其七

式廓今無極  
梯航域外臣  
只看賓服衆  
愈見

德威神獻矢  
來庭遠焚裘  
却貢頻海波  
長此靜奕世  
戴

尊親

其八



抃舞騰鬐序

恩綸沛澤長作人周道盛籲俊夏圖昌藥榜盈龍虎梧

岡集鳳凰開科稱

萬壽史冊永流芳

其九

寶厯升恒永貞符甲子旋侍臣多鶴髮獻壽集耆年

雲日瞻堯表賡歌叶舜絃

帝星千萬歲炯炯麗中天

其十



萬壽頌有序

翰林院編修臣鄒奕鳳

臣聞瑤光貫月哲后呈祥華渚流虹聖人啟瑞  
天地之高明博厚必經悠久以成功帝王之富  
壽康寧斯歷綿長而永命欽惟

皇上

體符乾健

用普離明

欽定四庫全書



心傳十六字之微光華復旦

身應八千年之歷運會長春

布愷悌於八紘蠲賦恤刑恒恐一夫弗獲

擴聰明於萬里揚清激濁用成六合咸熙人人解慍  
阜財處處耕田鑿井是以民熙物阜時聞百歲  
於民間日升月恒還集三多於我

后茲值三春令旦正逢

萬壽昌期星現長庚卿雲糾縵庭張廣樂法曲悠揚香



靄氤氲乍啟

九天閭闔春光駘宕齊來萬國衣冠梯山航海以朝宗  
不數西鷄東鰈虎拜鳧趨而獻壽疑瞻方丈蓬萊  
臣濫列清班叨逢異數涓埃未報莫酬

高厚之恩巍蕩難名載祝貞恒之運謹拜手稽首而獻  
頌曰

惟天長清以健為行於穆不已主宰生成聖人  
法天道惟一誠誠則不息歷數斯貞運啟中天



猗惟我

后太和元氣涵濡宇宙天縱以德必無以壽氣運綿綿  
超前軼後壽以道統心印義皇圖書剖蘊萬古  
煌煌壽以文章雲漢輝光藝林學圃歷久琳琅  
壽以作人譽髦斯士卜世卜年早培基址壽以  
奮武

神謨親指萬里蕩平永垂青史壽以治河浪息鯢鯨金  
隄孔固終古澄清壽以蠲賦百萬弛征衣豐食



給戶祝長生壽

國壽民

一人是戴

臨御之期於焉萬載凡我臣民子孫世代以就以瞻

龍光鳳采春當三月晴日麗天宮鶯競轉禁柳方妍謳

吟頌禱九譯爭先嵩呼望

闕拜舞駢闐

寶幄方開簫韶九奏風日融和川原錦繡榮光竟天



嘉祥輻輳旦復旦兮長歌

萬壽



萬壽詩

五言排律二十四韻  
有序

翰林院編修臣王謩

欽惟我

皇上

緝熙至道

保合太和致宇宙之殷昌納人民於仁壽心符元化  
功與天地參焉統集大成賢於堯舜遠矣時際  
三春令節慶逢



萬壽昌期斗柄指辰韶景暢

恩光而彌溥歲華周甲玉衡衍

寶厯以長新

九重之福履天齊萬國之歡聲雷動

臣職慚翰墨世荷

寵榮常含小草之心涵濡湛露願試微禽之羽翔舞和

風頌擬九如歌賡百祿竊效嵩呼之響敬攄華

祝之誠

景祚天樞正



熙朝寶錄昌

帝心涵造化王道洽陰陽上理勤尤切丕承烈更揚

德風披浩蕩

愷澤沛汪洋動靜昭仁智洪纖肅紀綱神明軒鑄鏡端  
拱舜垂裳聲教高千古光華被八方參天功莫

尚觀海學難量奎壁懸

宸翰雲霞煥

睿章圖書傳秘典



謨誥示周行乾運行彌健天申命有常雪呈郊日瑞蓮

發歲朝祥韶景三春候瑤漿

萬歲觴

天顏真有喜

聖德自無疆花甲循環始箕疇永錫臧歲符華祝好日

共

帝恩長道久恒占古時雍泰運康會嘉殷百福齡永邁

三皇悠遠乾坤壽貞明日月光露凝仙掌滿萊



繞

禁墀芳紫氣連

丹闕香雲靄玉堂鵷班羣拊舞卉服悉梯航燕喜春  
方盛賡歌樂未央昇平億萬載長此戴

君王



欽定四庫全書

卷七十八



萬壽詩 七言律四首

翰林院編修臣查慎行

鳳紀龍飛六十年周天景運正中天  
衆星拱極雲霄上萬國瞻光日月前  
難老祥徵

仁者壽誕生

聖在佛之先欲知

帝力占忙俗擊壤吹豳徧八埏  
其一

爐香燭燭護



楓宸花甲循環歷象新玉燭萬年三月節鴻鈞一氣

四時春闢門典曠收羣士

錫福疇多及庶民野老祝

釐還自賀子孫同作太平人其二

厚澤深仁物物霑直從動植到飛潛日暄雷動

恩威竝

秉鉞垂衣創守兼久運

乾行神倍旺屢辭



尊號德彌謙太和宇宙無疆慶長願春隨閏歲添

其三

極盛

皇猷冠古今無涯

聖學仰高深已隆咸五登三業猶厯堯咨舜傲心天大  
固知難比擬人歡爭欲效謳吟小臣拜手情尤  
切十載蒙

恩在禁林

其四







萬壽詩 五言排律六韻十首

翰林院編修臣萬經

寶歷膺昌運時和庶彙康日輪瞻

聖表雲漢煥

宸章瑞靄凝三殿仁風育萬方

湛恩同海濶

上壽竝天長春晝杲恩暖花晴彩仗香願將芹曝意歲

歲獻



君王其一

旭日螭坳上祥雲

黼座前宮鷺初轉曙禁柳正含烟  
考厯明三統歌風播  
五絃嵩呼聲動地虎拜會朝天  
海棗堆梓麗仙  
桃簇苑妍太平忻擊壤萬國慶

堯年其二

聖德符乾象陽和滿太虛  
瑤光涵月殿鈞奏集

宸居南極騰輝始西池獻



壽初捧觴多碩輔入觀有安車

鳳輦巡郊後

龍樓視膳餘幾康時有勅聲教被扶胥其三

青嶂環

丹禁紅雲護

紫宸蜺飛西苑午鵲報上林春草木均霑化駟麟總  
被仁天人一貫統禮樂

萬年身釐祝盈畿甸賡歌徧侍臣玉階叨染翰慙乏綵



毫新 其四

至道傳精一諸家辨異同易圖探奧窔性理闡  
儒風鳳至占昌運河清上泰濛文追典謨體武  
邁夏殷功制度高三古精明達四聰長春開

壽旦百谷盡朝宗 其五

陽德方亨日

嵩齡周甲時影分雀扇早香度玉爐遲好古勤編帙多  
能擅賦詩琬弓親試射鏤管愛臨池



學問誰窺測

天章倍繹思仙籌添海屋青鳥下

彤墀 其六

薄海融春澤

天顏駐太和梯航歸恐後筐篚貢方多匣底弢金甲  
堦前振玉珂九邊修耒耜八塞起絃歌版宇今無  
外輿圖古莫過蠲租逾億萬太液溢

恩波 其七



鵷鷺飛

金闕冠裳聚

玉京

王言傳渙號文治振離明漢殿芝長茁堯堦莢又生西  
秦甘露湛東觀彩雲晴麟脯雕盤擘霞觴醪酒  
清天街歌吹盛歡徹

九重城

其八

仙杏開長樂蒼松繞上林鶴鳴盤嶼久燕舞入



簾深金鑑千秋錄  
簫韶一代音高明恢

帝度浩蕩見

宸襟廣闢求賢網  
難名愛物心大椿誰紀歲六幕訖餘

陰其九

仁壽中天會嘉祥

上帝知雲璈來海島  
迎鳥集璫枝化日勾陳列神光太乙

隨瑤壇香徧拂仙掌  
露頻垂卜世年彌永居高

聽每卑升恒長拱極  
萬載肅朝儀其十



萬壽盛典初集卷七十八



欽定四庫全書

萬壽盛典初集卷七十九

歌頌十九 詞臣十一

萬壽詩 七言律四首

翰林院編修臣彭廷訓

綵仗金黿瑞靄籠衣冠拜舞萬方同天階麗景  
迎黃道斗柄祥光繞玉虹六葉堯蓂初應日五  
絃舜樂久歌風共歡



垂拱昇平代紫氣氤氲滿碧空 其一

武功文德冠前徽

乾健先天天不違永固河山齊壽域無私日月徧春暉

舞階不待三旬格

沛澤真同萬派歸從此千秋逢

聖節衢歌巷舞頌巍巍 其二

雕題黑齒趨

文陛卉服雞翹拜



紫宸四海來稱

萬壽日九州合作一家春璇穹樂奏鈞天響玉檢聲呼

華岳神願酌瑤池供壽酒仰瞻

帝座侍鈎陳

其三

天門蕩蕩排閭闔翠蓋紅輪丹鳳吹

玉殿瑞生三秀草杏花春上萬年枝無疆大化膺神

契率土羣情叶

睿思微賤幸逢歡慶日身隨百獸舞



丹墀其四



萬壽詩 七言律四首

翰林院編修臣伊太

中天景運慶無疆甲子初周

寶歷長萬國梯航趨殿陛  
千官拜舞肅冠裳冰桃雪藕來蓬島  
仙樂雲璈集建章處處歡欣齊獻頌

恭逢

聖節正春陽 其一

斗柄高懸恰向辰和風三月物華新  
羣黎徧德



歸

皇極四野謳歌祝

聖人惠澤多年霑化雨蠲租徧地沐

恩綸共歡歷數同天久仙杏喬松萬樹春

其二

百花爭發柳含烟紫霧祥雲敞

御筵

仁壽榜開文治盛期頤人集

聖恩宣



聰明睿智高千古日月山河祝萬年  
鼓舞熙恬春晝永

嵩呼頌上九如篇其三

紫殿歡騰動八紘當年電繞慶雲生  
中天日麗丹霄

淨南極星臨

玉座明春暖

九重饒氣象時和寰宇樂豐亨  
小臣何幸蒙

恩澤得侍班聯紀頌聲其四







萬壽詩 七言律六首

翰林院編修臣林之濬

金闕龍慈曉氣佳

太和天仗正衙排  
星輝北極聯南極  
符協中階與下階  
自是羲軒昌運啟  
共聞韶護雅音諧  
荷囊簪筆年年侍  
長沐

恩波未有涯 其一

日麗



端門繞紫煙  
嵩呼聲徹玉墀前  
學宗洙泗心崇聖  
道貫圖書德合天  
州郡縣餘猶萬里  
漢唐宋上更千年  
欣逢

聖節桐華候共捧霞觴進

御筵 其二

習習和風拂玉除

殊恩下霈共春舒  
羣瞻雲漢章天日  
又溯虹光誕

聖初



受命

三朝綿歷數執圭萬國集車書歡承

袞彩先稱壽

鳳輦朝回慶有餘

其三

光華文教煥

皇圖

神武尤推廓遠謨

鑾輅三臨清朔漠樓船六月下澎湖化行海外詩書盛



德洽寰中衽席俱最是頻年蠲正賦

恩霑九有盡歡呼

其四

非霧非烟郁氣騰

暢春夾道望層層花宮梵唄千年祝綵幔笙歌萬國

燈

帝德好生天與壽

皇仁累世歲常登耕田鑿井康衢老扶杖欣瞻曉日升

其五



昇平海宇共歌謳

徽號堅辭德更優聲入

帝心通萬象甲周

聖壽歷千秋爐煙晝靄雙龍闕花氣春深五鳳樓百爾

承

恩同拜慶無疆寶歷固金甌其六







萬壽無疆賦

有序

翰林院編修

臣嵇曾筠

皇上御歷之五十有二年

景卿敷華

光輪煥彩

剛柔協序百神效順於清寧

肅乂隨時萬象增休於上下祥風播暖桃開千歲之

花淑景昭和莢舞浹辰之葉幸遇陽春三月恭



逢

聖壽六旬

紫微朝朗映南極以生輝

華蓋宵澄值東皇而愈耀四維開其景運慶在

一人二曜自此再中壽先五福祥雲黻黻不離鳩鵲之

宮瑞靄霏微常傍蓬萊之館應龍在淀丹鳳儀

廷芝草產於房中醴泉湧於堦下效九如之祝

遠近無違稱



萬壽之觥廣輪囷外臣葵忠世守芹志時存感激  
聖慈似向陽之草木泳游

帝澤如霑化之鳶魚因錄節而荷

恩綸蒙

垂問而叨館職飽餐仁粟僅懷將母之思重被

榮褒願紹匪躬之志遭逢

大慶幸際昌期禎符萃合於一時網緼特隆於千古

垂衣端拱元會遞嬗不窮戩穀聲宜甲子循環無已萬



八千年之洪算未足頌揚千八百國之諸侯相  
從颺拜

天行不息比堯舜目而獨隆

乾健彌強偕日升月恒而竝久臣不勝踴躍歡忭之至  
謹拜手稽首而為之賦辭曰

太和保合乾坤萃精扶輿旁礴

聖人以生巍巍乎繼三皇而竝懋赫赫乎軼五帝而常  
貞乃聖乃神乃武乃文集成本於天縱詣極由



於性存聖質維何徇齊而慧敦敏而淳岐嶷而  
睿豈弟而溫守中以一擴道以文由仁行義明  
物察倫心源印乎洙泗神契合乎洛閩

至德難窮既超前而軼後名言莫罄亦越等而邁羣神  
功維何不言而雍無爲而化馨洽神明光被上  
下沕穆擬於羲軒敬信同於虞夏欲驅積水靈  
龍奮甲以開河思廣仁風極星現光以照夜首  
春出塞竟泉甘而山青大祀格天忽霞飛而雲



架何年無九穗之禾歷歲有屢豐之稼風雨節  
而五祀歆寒暑調而八方蜡文德維何淑芳六  
藝擷潤羣言

宸章包乎彖繫

睿製冠乎典墳精華摘乎子史編纂殫乎藝文搜騷壇  
之風雅萃詞苑之芳芬雲漢昭回卓筆而蛟龍  
起珠璣璀璨擿詞而風雷屯武畧維何靖伏戎  
除亂首剪三孽黜羣醜恢八紘廓九有東極扶



桑之津西及虞淵之口南暨明都之前北通陰  
山之後瀚海置郵天山罷守阻化之苗忽乎撼  
波之鯨絕吼殊方重譯以來朝遠域極誠而上  
壽而且粟帛養老鐘鼓作人崇儒術而五經之  
理闡弘樹植而百行之士生十里杏紅遣星軺  
以羅俊三秋桂馥啟瓊宴以延賓立賢有無方  
之德用人多破格之恩小善必收恒受詩而止  
輦微長不棄每接士而停輪而且英敏性生智勇天



錫陳樽俎而化戈矛舞干羽而銷鋒鏑玉門關  
外萬餘里稽首稱藩賀蘭山前四十部編名受  
厯漢關秦月不矜師武之功雞塞狼胥悉覩修  
文之績而且

峻德巍而克讓文聲溢而謙居辭

徽稱於盛隆却封禪於雍熙航海梯山遠者遙隨日馭  
尊王奉朔近者習拜

丹墀幕南無飲馬之泉斗北有晾鷹之圃穹廬築望



幸之宮沙磧列來同之宇丹啄翠羽向靈囿以  
飛鳴朱鴈青麟環

紫宸而馴舞至若恩溢函夏澤沛海隅解雨行而三千  
之屬有赦巽風布而億萬之賦忽除父老擎觴  
競下車前之拜野人獻曝偏多道左之呼是處  
頌南山聲叶鳴春之鳥有天皆化日歡同得水  
之魚更商周之未有亦唐虞之所無乃以執徐  
之月清和之候日當扶嚮辰移鶉首階蓂猶榮



宮桃若綬昌熾欣其疊承福祿徵其單厚流虹  
繞電慶當日之篤生卷舞途歌快普天之額手

爰乃

乾行愈健

離照彌光

睿容煥發

天表康強無逸而寸陰是惜懋昭而小物不忘盱食宵  
衣每廛咸和之念懸輶設鐸用求懷保之方於



是内外臣工遐邇士庶三多陳百福志詠日升  
頌川至兕觥稱馨椒備樂未艾慶錫類引嘉祥  
稱上瑞淮獻其象充貢其蠙楚入其茅揚奉其  
珍縻絲織貝琅玕璆銀箇簠簋丹橘柚柏杔莫  
不由沱逾洛達濟浮汶而且陬有駟虞郊來鸞  
驚仙鳥啁啁瑞鹿濯濯紺露降林赤芝挺撲甘  
泉噴瀑於文階竒木敷榮於

丹幄素王後裔秉禮樂以來朝葱嶺遺宗攜鉢衣而



致慤皤皤黃髮躬逢

舜日之光奕奕秀眉競聽

堯階之樂而且烏弋黃支航琛入覲奇肱窮髮輦賁

來庭番舶驗東風以遣介鮫人測海水以通名  
首葡萄萄棧竟浮於牛渚木難結綠帆乃照於  
魚燈接踵駢肩競瞻雲而蹈舞稽時歷日喜效  
款於昇平於是

天子燕焉陞丹陛臨寶座進臣鄰延卿佐宣九韶藝百



和播德惠受朝賀恭已垂裳明作惇大於萬斯  
年百祿是荷



--	--	--	--	--	--	--	--



萬壽詩 七言律四首

翰林院編修臣鄭任鑰

電繞瑤樞渚貫虹長庚炳耀寶光融日輪正午  
行馳道星緯周天護法宮甲子初迴

昌運遠貞元重會太和同欣逢

聖節嵩呼候物阜民安六合中 其一

九重天際正春深柳穗桐華滿上林五福斂敷

仁者壽萬邦和協



聖人心向榮更長階前莢占候還來海外琛億萬斯年  
皇極在長瞻

玉座袞衣臨

其二

黃麾仗外起笙歌雲護瑤墀淑景和萬歲華嵩

同

壽考千尋江海比

恩波乾坤策合

堯年盛河洛圖無



舜歷過

御世天皇無量佛誕生只隔兩旬多

其三

暖日霏煙映綵旂

聖君當个御雲裘階符共羨三台正  
軒歷初看六甲周  
寶算千齡推歲月仙籌十屋紀春秋  
小臣載筆  
慙枚乘金鑑長期

黼座留

其四







萬壽詩 七言律四首

翰林院編修臣蔡學洙

瞳矐瑞氣映層層

金闕晨開慶日升  
五百昌期逢

聖主八千上笑  
協嘉徵傳心直  
溯惟精一紹業  
還無丕

顯承六十年来

宵旰意禎符純嘏  
自頻仍 其一

帝德高深總莫攀  
梯航鱗集仰



龍顏宜膺尊號辭尤切又免全租

詔屢頒三月春光融

玉陛

萬齡聖誕應嵩山

禁林載筆承

恩渥拜慶欣同鵷鷺班

其二

盛朝寶命自靈長土宇弘開邁漢唐湛露

恩濃霑杞棘薰風調發叶宮商西郊景煥雲霞麗



內苑春深草木香萬姓歡呼同致祝年年歌舞樂東

皇其三

九牧車書入賀辰條風花柳正芳新時逢

萬壽初周甲世值中天盡是春雲漢騰輝昭

雅化鳶魚翔洽見

深仁儒臣更有葵心獻億載光華映

紫宸其四



萬壽盛典初集卷七十九



欽定四庫全書卷

萬壽盛典初集卷八十

歌頌二十

詞臣十二

萬壽詩

七言排律三十韻

翰林院編修臣須洲

萬年歷數膺

仁壽一統車書會蕩平鞏固金甌鰲極正調和玉燭泰

階明乾施廣大同元始坤載含宏合利貞皞皞



王風真有象巍巍

帝德本難名

問安內殿金門曉

視膳天厨玉饌精至孝獨能天下養承歡兼合萬民

誠

聰明睿知皆天亶

仁聖中和悉性生造化祇從一德運人情共仰四時更

陽舒陰斂神功普秋肅春溫大道行日月露霜



同布濩畢箕風雨竝生成經天緯地文章大準  
古宜今制作宏六籍闡揚開秘妙百家補綴采  
菁英黃農逸事猶蒐討秦漢遺文有定評

彝訓周詳傳士庶

歲規明肅飭公卿克修職業先忠謹欲立功名務潔清  
交讓風成由好禮協恭情切自無爭

綸音貶斥嚴霜重

天語褒嘉華袞榮善政涵濡兼善教仁言彪炳更仁聲



八方若在堦墀近六合如同咫尺程蠲賦比閭  
咸鼓腹輕徭編戶倍添丁幅員禹甸方加廣稅  
額周官較未盈武耀邊陲除小醜威行滄海截  
長鯨

豐功不盡鐘鏞紀

盛德還看筐篚迎徼外萑苻多自化域中雞犬總無驚  
輝煌

御筆江山麗焜耀



宸章宇宙晶至治恬熙

天子福多能爾雅

聖人情九如天保祥俱集三祝華封瑞已并紫氣氤氲  
環

魏闕卿雲縹緲起蓬瀛千官拜手申嵩祝萬姓躋堂

酌兕觥慙愧

小臣

何所獻載歌惟欲繼臯賡







萬壽詩

七言律四首

翰林院編修臣孫時宜

聖壽綿長億萬春  
初周甲子慶

堯辰蒿呼處處聞  
仙語華祝時時見  
野人芝草常依雕  
輦出景星特傍紫  
微陳蓬萊侍立瞻  
雲近金鑑

愚情效小臣

其一

三階啟泰麗三春  
六位時乘屆六旬

帝治光華昭宇宙



天章璀璨煥星辰八荒赤子歸仁壽九有蒼生仰大鈞

咸慶舒長逢化日耕田鑿井是堯民

其二

遐齡何止頌莊椿南極西來萃

紫宸

帝誕兩旬先佛誕良辰三月慶元辰慈雲覆處甘霖沛

湛露濃時渥澤均長捧衢樽歌舜日

太平有道萬年春

其三

梯航重譯八方臣



萬歲樓前拜舞頻

特典開科歌異數

曠恩蠲賦頌深仁  
翕河永固川增福  
登岱還崇嶽立身

榮比星精何所獻  
瑶池介酒祝

尊親

其四







萬壽無疆詩

七言律八首  
有序

翰林院編修<sub>臣</sub>周彝

<sub>臣</sub>聞乾行不息懸象緯以常新坤載無疆麗高  
深而永固上聖法天保合自應年與天齊至誠  
配地含宏遂致福同地厚瀉水之必得者四祿  
位偕名壽兼隆華封之獨多者三福壽與男子  
竝萃祥徵在昔瑞紀

今時欽惟我



皇上

德懋日新

化成久道

溯微言於泗水易闡天心

崇正學於考亭集經

御訂

春溫秋肅統武功文德而莫罄形容

盱食宵衣兼開創守成而竝垂典則



撫萬方於在宥光昭湛露卿雲合四海爲一家喜協  
箕風畢雨烏弋黃支之國越海外而來同白麟  
赤雀之祥普寰中而獻瑞一昨昭陽紀歲姑洗  
司辰欣逢尼山順耳之期實合軒轅推筴之始  
普天歌舞聚躬桓蒲穀而齊效嵩呼率土趨蹌  
會南朔東西而共申嘏祝方謂戴高履厚難抒  
愚賤之悃忱庶幾旨酒兕觥稍報生成於萬一  
顧臣民介福咸思申錫自天而



聖主垂慈惟願推恩下逮春華秋實兩增額外之科火  
耨水耕盡免區中之賦晉階錫類酬奔走之微  
勞宥過省刑渙矜疑之大澤潔陳牲幣肅羣望  
之明禋

頒賜帛縻恤民間之耆耆任子而鵷班濟美賚金而  
虎旅騰歡維時鮐背之民捧觴而至黃髮之老  
扶杖以觀

皇上特行養老之儀創舉引年之典煌煌



清問尤重力田孝弟之氓藹藹

天顏布爲甘雨惠風之賜爰有兩岐瑞麥九穗嘉禾隨

紫陌以翻風映青陽而吐實

宸章璀璨聲自協乎薰琴

御墨淋漓義更超乎幽雅餘三餘九頻年登大有之書

俾熾俾昌長日樂太平之運蓋

聖天子以日升川至之福爲爾百姓永家給人足之休

義洽仁漸民胞物與



恩深覆載偕萬物以長春

明竝照臨配三光而不老金泥玉檢遠邁登封之七十

二君天幹地支定周甲子之萬八千歲矣臣 彝

職叨侍從業在丹鉛校多士於南天惟勵冰霜

之守望五雲於

北極未隨舞蹈之班茲當一元復始之昌辰幸際萬

國同春之泰運敬抒蕪製擬東海之添籌竊比

葵心指南山而獻



壽從此年年歲歲常陳一統之車書蕩蕩巍巍永享億

齡之歷服

臣

彝不勝歡忭踴躍之至

垂裳端拱泣山河景運雍熙沐太和萬姓同時呼

萬歲三春長日祝三多自天淑氣盈仙仗匝地歡聲動

玉珂南極光中齊拜舞溥將瀛海注恩波

其一

聖主當陽澤愈隆屢辭鴻號守謙沖八紘共仰先天業  
乙夜尤勤汲古功禹鼎湯盤垂典訓豳風無逸

契



宸衷試看寰宇昇平樂盡在宵衣旰食中

其二

櫛比龍棚綺陌連碧桃花下即芝田如雲翠葆  
鳴天樂夾道香爐祝

大年北闕氤氲凝瑞靄西山飛動拂晴烟康衢歌舞紛

綸集鳩杖相逢宛偃佺

其三

龐眉鶴髮太平人歷歷

堯天長養身方擬丹心爭向日旋霑

帝澤更如春九霄路迴頒金渥五色雲高勸酒頻復簡



耆年蒙

召問恩榮重疊古無倫

其四

擔簦士子應旁招

萬壽科名起

聖朝史奏卿雲傳姓氏人憑協氣作扶搖淳風渾噩書  
皆古至治雍和律自調薄海琅琅騰雅頌遙隨

儀鳳和簫韶

其五

聖學齋居儼大廷太和保合見清寧一源上下通三極



四府旁羅貫六經雲漢昭回成

翰墨盤孟肅穆對歲銘指南獨正千秋脉從此儒宗式

考亭

其六

甘雨和風洽四時

天顏有喜兆民知禾搖翠浪皆同穎麥曳黃雲盡兩岐

造化鈞陶工肖物開成心事托摛辭侍臣雖誦

年豐賦儼對南薰解愠詩

其七

六詔掄才道路長遙瞻



宸極荷榮光

九重盛事超今古萬里臣心切對揚惟願得人襄教化  
敢云報國在文章從茲益勵趨承力歲歲常依

黼座旁

其八



欽定四庫全書

卷八十



萬壽恭紀樂府

十首

翰林院編修臣俞長策

上苑香風接

帝城太平歌管勝韶醵堯眉舜目齊天壽更扈鸞輿

聖母行

其一

山龍黼黻色斑斕孝治心殷有詔頒千億萬人  
齊上壽

至尊先自謁



慈顏

其二

紛紛耆宿詣安車  
匍匐

彤庭禮數疎  
幸際

君王憐耄耄  
笑看鮐背拂金魚

其三

五色龍棚百和香  
千官隨

輦効趨蹌更看鶴髮支筇叟也著黃衣捧玉觴

其四

聖德神功孰與倫  
廣輪無不效尊親  
柳舒花放增妍麗

都爲吾



王祝萬春

其五

介壽曾來百歲人扶藜拜舞也精神萬年自是

天家厯諄囑兒孫記此春

其六

九重賚予下

天章釀作甘霖沛八方忽看西山呈霽色由來時雨復

時暘

其七

天潢酬酢有光輝  
餽酒椒馨染

賜衣一自



湛恩零露後六街扶得醉人歸

其八

留後長春付畫圖太平有象古今無從今甲子

周回日萬歲千年總不殊

其九

家家絃管入風謠巷舞衢歌祝

聖朝暄負

微臣

差自喜也將愚悃達

層霄

其十



萬壽詩

七言律四首

翰林院編修加一級臣俞兆晟

春深大地徧祥光  
六寓欣臻壽域昌  
綺陌鶯黃諧舜律  
衢樽鳩杖沃堯觴  
蓬壺紫氣傳桃熟  
閭闔紅雲覩鶴翔  
童叟九天均拜舞

聖人恭己正垂裳

其一

一從開闢到賡歌  
戴德誰知此日多  
鑿齒奇肱嘉惠浹  
白環銀甕瑞琛羅  
崇卑參兩真無外  
日月升恒



總不磨試取澥籌添

聖算永瞻

皇極建中

和其二

太平持世是金仙  
萬里河山鞏固年  
兜率花辰先浴佛  
圓儀歲甲甫周天

恩如甘雨蘇羣物  
頌比春潮漲百川  
願聚一時耆耄壽  
上歸我

后慶綿綿

其三




集賢春殿聚羣儒記聽

溫綸感獨殊清迥玉堂容委珮栖遲鳳沼許將雛百千  
萬億占庥厯南北東西合大酺臣職自慚叨珥  
筆清時長進九如圖

其四







萬壽賀表

翰林院編修臣蔣連

康熙五十二年三月十八日恭遇

皇上六十萬壽之辰翰林院編修臣蔣連誠歡誠忭稽  
首頓首上言蓋聞不息者聖心膺齊天之寶錄  
得壽者大德握凝命之貞符所以千齡則水德  
開先萬歲則神山響荅粵稽皇古代起神人御  
氣乘龍開天執象鼓鑄鴻厯之世綿延萬億之



年樞電呈祥渚虹叶瑞康寧壽考書既衍於疇  
圖保佑天申詩亦歌夫嘉樂豳風七月酌獻兕  
觥江漢一章對揚虎拜蓋敷天袞對固帝王有  
道之長率土同歡實臣庶維祺之願欽惟

皇帝陛下

體天以健

如日之升

秉貞恒於覆載之中會歸有極



躋仁壽於梯航之外保合太和

功德高冠百王制禮定樂盡典物聲容之大  
治教遠超三代稽古崇儒觀人文久道之成

惟時惟幾無逸作所立綱紀於精明果毅

一遊一豫時邁省方秩山川於震疊懷柔

奮神武而一掃黔滇八埏歸化

運籌畧而三征朔漠六服輸誠永定訖功西北之安  
瀾有慶大河北績東南之衆壑朝宗歲歲蠲租



恩周十五省而無外家家拜賜數及百千萬而有羸

頻施解網之仁赦過宥罪

恒厪好生之念尚德緩刑慎簡賢能邀

天顧而人無不識

躬親聽斷經

聖聰而事未嘗忘

頒訓誥於澤宮咸遵模楷繪耕桑於



丹宸洞悉艱難宏獎羣材棘闈重啟敦崇正學黌序  
增光兼之

上哲生知羅百家之富有

萬幾餘暇擷六藝之菁華

奎章即是天文日經星緯

御墨無非雲彩鳳翥龍騰剖析鴻蒙精求象數究觀蟲

篆細燭豪芒誠天縱之多能洵生民所未有聲

名洋溢旁孚血氣之倫期運昌明正值光華之



旦猶且

虛衷彌切

尊號固辭秉洪鈞而敬

天肅將明祀膺寶歷而尊

祖率由舊章孺慕無違

慈寧問視驩心普洽孝治光昭盛美則新而又新謙讓則  
聖不自聖臣民同樂合四海之心爲心中外飲和以萬  
方之福爲福既霑被五十餘年之雨露遂歡騰



數千萬里之謳歌凡茲

德意覃敷悉本精神強固紀年次癸建月維辰欣向

九重恭逢

萬壽

天顏有喜卷簾共識龍鱗春色無邊酌斗初周花甲海  
縣銜恩已久朝章獻壽方新大有年華長春節  
序瓊枝玉葉拜稽百福金筵鷺列鴛班捧獻萬  
年康爵縹緲浮來銀闕萬井祥煙霏微飄入丹



階九城瑞靄香街繡陌部屋茆簷近自郊畿遠  
而海甸鸞歌鳳吹爭飛南極星躔玉髓龍涎總  
設大羅仙供雕題鏤齒拜手福庭烏弋黃支稱  
觴仙禁翠柳織昇平之字高映南山緋桃帶度  
索之霞遠來西極杯擎沆瀣川後來同樂奏簫  
韶鳳凰翔集

天心仁愛方爲萬姓求安

御路喧闐羣頌



一人有慶

瑶算與金甌俱永

聖恩共仙祚靡涯蓋乾象占爻尚屬網緼之始河圖考  
數仍爲開闢之先赤光紫氣之宵旋轉長爲令  
節甲觀畫堂之日迴環總是元辰大地升符何  
用麻姑觀海後天同壽無煩金母授符臣漣海  
隅蒲柳之姿江介蟲魚之伎

恩私三世恒分照於太陽感激寸衷難効塵於山嶽幸



叨

禁近曲被殊榮得展誦於

雲章竊校鐫於藜耀獻慚金鑑同將野老之芹傾是  
葵心敢代天漿之筆喜聆歌衢擊壤樂我太平  
快隨騎竹扶鳩祝

皇純嘏伏願

益躋聖敬

長法天行



資生始以陶冶羣倫可大可久運世更踰於三五

鼓陽和而燮調元化寢熾寢昌春秋豈數於八千行

見瑞露宵零壽星晝見九光擢秀還瀕五老之

河六穗生禾竝入長年之館登封玳檢駕七十

有二之勛猷解阜金徽衍悠久無疆之歷服矣

臣連無任瞻

天仰

聖踴躍懼忭之至謹奉



表稱

賀以

聞



萬壽詩

七言律十首

翰林院編修臣蔣漣

瑞氣瑤光護絳霄

萬年聖節萬方朝  
銀河映徹壬寅露  
珠斗迴環甲子宵

仁壽化鈞調玉燭  
太和天籟奏簫韶  
懽騰率土

無疆頌何獨三多  
願祝堯

其一

百千億載開元運  
五十餘年泣萬幾  
混一河山

光



帝治經營宵旰切民依觀貞日月升恒體乾統風雷闔  
闢機葵藿寸衷輸不盡鋪張舞蹈向

彤闈

其二

慈寧問視日勤劬

鶴禁驩心萬國俱碩輔龐眉爭拜手老人鳩杖自歌

衢梯航卉服占風至絃誦儒冠向日趨禮節樂

和臻至化觀成久道浹寰區

其三

霜肅



天戈萬里秋

廟堂謨畧叶神謀黔滇一掃塵氛淨朔漠三征戍火收  
渤澥崑崙無駭浪黃支烏弋總投矛今看八閩  
皆門戶虎拜堦墀進鶴籌

其四

上古平成數禹功我

皇指畫與天通北醜漳滏波如鏡南戢黃淮堰似虹壁  
馬豈須循舊事蛟龍先已懾

天衷還從岳牧朝宗日川瀆波臣亦會同

其五



編氓情隱入巖廊盡布春和閭澤長

鑿輅省巡因婦子

宸居圖畫是耕桑金錢歲歲蠲無算雞黍家家樂未央

試聽農歌蒿祝裏

熙朝大有即禎祥

其六

多能天縱至神奇五夜旁搜發

睿思文配典謨盤灝氣詩兼風雅黜凡辭

奎章絢爛青鸞紙



御墨騫騰彩鳳姿開闢二儀從未有三辰輝采共昭垂

其七

握樞執象應精神咸五登三孰比倫自覺

聖朝無闕事羣推

帝德在知人精求物理高深見洞悉機宜聽斷親正是

健行常不息轉旋元氣得長春

其八

昇平海宇徧謳歌猶讓鴻名咨做多無逸歲銘

躋



聖敬撝謙

綸綍暢人和卿雲自靄三春日膏澤分流太液波珥筆

繪天難擬議朝朝鵠立在鑾坡

其九

光分南極繞奎躔萬象蒸濡景氣鮮壽考譽髦

雲漢麗人文炳蔚日中天小臣技竊蟲魚末三

世

恩霑雨露偏恭遇慶成觀典禮長賡周雅九如篇

其十

萬壽盛典初集卷八十